

Títelé ke Yakupu uu n wói

Lelɛɛ rítelɛ ntí kɛmɛɛ ní we

Títelɛ ntí uwɔlɛ kapi yɛ sɛɛ rɛ Yakupu, Uléɛcaa nɛ Yeesu Kirisi ukɛikó. Písoi mɛyã yɛ músu rɛ li yɛ Yeesu uwã (Matiyee 13:35). U pɛɛ Yerusalem-pɔ Uléɛcaa pikó icápinɛ kɛmɛɛ uwéɛsɛ unyinɛ lɛ. Uléɛcaa pikó mpuri mɛɛ ketɛ kɛcáá n yɛkaalɛ kuú nɛ mánɛ.

Nsímé mɛɛ rítelɛ ntí kɛmɛɛ ní we riyíkí yɛɛ nfatɛnɛ. Ai kɛsoipipi mɛwai sɔnɛ. Ai rɛ usoi uké kɛfa ŋmanɛ nɛ Yeesu Nsímé Kɛcirɛ n tenɛlɛ, amá uké kɔ uisoi kɛmɛɛ n wai liké n nyáni rɛ u n tikilɛnɛ n̄sɔnɛ. Likumúnjé rɛ "nfatɛnɛ nnsá mɛwai sɔnɛ m má, n kpuwaalɛnɛ" (2:26). Pipeikɛɛ yɛɛ nyíselɛ rɛ li nfatɛnɛ yíkíyiki nɛɛ ái mmɛ.

Ifaaci iyɛ mɛkériinɛ yɛ mmé:

1. Lɛ kɛ pipeikɛɛ api yɛ n wa (1:1-12).
2. Li pise rɛ piké nfatɛnɛ pipeikɛɛ kɛmɛɛ musí piké yé (1:13-18).
3. Lɛ kapi yɛ Nléɛcaasimé rintíki apí nɛ nfatɛnɛ kɛmɛɛ n sónɛ (1:19-27).
4. Api kapɛ yɛ nfatɛnɛ kɛmɛɛ úka lómiisɛ (2:1-13).
5. Li pise rɛ nfatɛnɛ nké mmɛwai nɛ mmɛcirɛ nyíse (2:14-26).
6. Nké mmɛcirɛ pitíne fe (3:1-18).
7. Lɛ knn yɛ ketɛ kɛcáá likó nɛ n sónɛ (4:1-5:12).
8. Lɛ knn mmɛcirɛ piyómeyáhaa kɛmɛɛ m palɛ (5:13-20).

Iyáhaa

¹ Née Yakupu. Ne Uléecaa ne Upiima Yeosu Kirisi ukéikó le. Née nó Uléecaa pikó isoipuri kefi ne ité iyee nní ketē nké nnéi kecáá n yekaalē rítelē ntí wólu. Ne nó yáasi!

Nfatene ne mewéesesəhə nkó

² Pinémárecə, ani n kpiilē te mpóonare piima ye mu, in te li ye fe ai ye méwee mpehē mpehē kémee nó peikee. ³ Nə pinyuwe máalenle re lin nó m peikee re liké nónnéfatene yē, nən tinkáhá-káhá ne kətə-pə, li ye tíyesele aní n ηmóópúlē. ⁴ Amá ani pree tíyese nónnéηmóópú kani m má nké nóinésoi kémee meýá wa ne nketə-pə, ani pree meýíkíyiki m pelaalē líka aí yé pree kə nó m párilē. ⁵ Mewéesesəhə men nókenécəpe úye m párilē uké Uléecaa me we, uké u he. Nfanare kuu ye ne mpá úye he. Uu ye cési. Un me u n we, u ye hele. ⁶ Amá li pise re uké nfatene m má uú ne welu, úu kape n tíru. Nkó yee n tíru ye we yare ániwalé ke kuyə aku n síkai lin tánjai. ⁷ Liute úu kape musí re u yé fe uu Upiima kémee linyine yenu. ⁸ Usoi unyine lo, ukemúhē áke kelō kese tū. Kéyu ne kepire kuu uicee nnéi kémee sónē.

Iwe ne memá kecáá nsímé

⁹ Nókenécəpe unyine un íwe m má, uké mpóonare-i n we ke Uléecaa uú ne u n taásene nnya. ¹⁰ Amá Kirisi ukó nkó yee m má, uké mpóonare-i n we ke Uléecaa uú ne u n cépisene nnya. Asei kecáá, umámá isoi ye tenene kekéripí nní yare kuyúí mefele. ¹¹ Ntuŋe ye leemele nn ηmákasi, nn meýúí kólaase, mefele ame lólu, mensəne nn tene. Limecə ke umámá isoi ii ye mekáikai tene, lē kuu n we un wai aí ne kei pá.

Pipeikεε nkó

¹² Nkó kai ye m peikεε un kahari ye únarekomε le. Lin pipeikεε u m masí, kuu n feriyε nnya, Uléεcaa yé nfáa u pa re ihéé. Mmē kuu yekeilē te uké pepeε u ní la pa.

¹³ Lin ye úye m peikεε re liké akópe kémεε u ritépō, úu kapε ye maá re: “Uléεcaa yeε né peikεε.” Mewai kópe áme yé fe meké Uléεcaa peikεε. Uricuruu úu ye kō úka peikεε re uké mewai kópe wa.

¹⁴ Amá mpá úye likáipi-káipi cirε leε ye u pasai ai akópe kémεε u tépō. ¹⁵ Likáipi-káipi lē lin m pi,

lin meyā n wa, ai peε u pasai ai akópe kémεε tépō, akópe pōo pelu aa peé ne nkpō weri. ¹⁶ Ani kapε nómenécíre n kiraasente, pinémáreco lala kecire.

¹⁷ Lē nnéi leε ái kusa ní nyamí kai ye usoi n he ye Uléεcaa yeε keyómεcaa-pō ní we kémεε léerile. Uyεε keyómεcaa-pō metéi likó nnéi wa. Uu ye conse. Kuyamaha áku ukeméé we. ¹⁸ Uricuruu yeε la uké ne unsímé ritiki uké ne nfáa ró he tóké ne lē nnéi kuu n wapisi kecōpe lifoi nnya. Unsímé mmeε aseí le.

Uléεcaa nsímé kutu píco ne mpitiki

¹⁹ Pinémáreco lala kecire, ani kō te mpá úye uké ye n welu re uké uucō kutu ricō, úu kapε ye ne nsímé n yōone, úu kapε ye kō kuwói n wélú. ²⁰ Usoi kuwói áku ye leleε Uléεcaa inipeε-i aseí n tíkilē wa. ²¹ Lē nnya, ani lē nnéi leε ye usoi mékperinkpe n waise riyá, ani kō rikpákará píima yá, ani kō nómenécíre cepise aní ne nsímé mmē ke Uléεcaa uu nósinéfa-i n wa yósu. N yé fe nn nóanéyu lolu.

²² Ani kapε nómenécíre n kiraasente ne Uléεcaa nsímé kutu píco ηmane. Amá ani ye kō lē knn ní ma ritiki. ²³ Uye un ye nsímé kutu rincō, unsá ye

kə pɛɛ lɛ knn nɪ ma rintiki, u we yarɛ usoi nkɔ yɛɛ yɛ kɛnɪpɛnyʌnɛi kɛmɛɛ lɛ ŋmaa kɛ ukɛyu akɛ nɪ wɛ n yɛ. ²⁴ Un umɛcɪrɛ pɪnyʌnɛi m masɪ, uu tɔmpɔ uu mɛsɛ nɛ mɛsɛ palɛɪpɔ lɛ kuu nɪ wɛ. ²⁵ Ulɛ́ɛcaa isɛ yɛ nyamlɛ nɛ ikɛtɔ-pɔ, ii yɛ kɔ usoi ilasi kɛmɛɛ lesɛ. Nkɔ yɛɛ i n kɛ́ɛni un mɛsɛrɛ ikɛcʌʌ ukɛmʌŋɛ wailɛ yɛ nɛ umpehɛ lɛ. Uu yɛ kutu i ricɔ uu mɛsɛ nɛ mɛsɛ i palɛɪpɔ, amá lɛ kii nɪ ma kuu yɛ pitiki nɛ kɛ́yu m mahanlɛ. Ulɛ́ɛcaa yɛ liute uyɛ kpálɛnɛ un lɛ kuu n wai kɛmɛɛ mpóɔnarɛ-i wɛ.

²⁶ Uye un m músu rɛ u uyómeyáhaa lɛ kúu pɛɛ unnɔɔ pitɪnɛ nyu, un umɛcɪrɛ kiraasɛntɛ, upiyómeyáhaa yɛ méwoo lɛ. ²⁷ Piyómeyáhaa kɛcɪrɛ pɛɛ ápi ncaai nɪka m póriilɛ kɛ Ulɛ́ɛcaa uu yɛ n ŋmurei yɛ mpí: Usoi ukɛ yɛ sikúmampipi nɛ pikúmannaɔsi nɔ́ŋ kɛmɛɛ picomɛ ha, uu kɔ kɛtɛ nkɛ kɛcʌʌ mékperinkpɛ likɔ nɛ umɛcɪrɛ kaasɛ.

2

Ai pisɛ rɛ piké pɪsoi nɛ picɔ kɛcɔpɛ n tɛsi

¹ Pinémárecɔ, nɔɔ nnɪ Urópiima Yeesu Kirisi yɛɛ Ulɛ́ɛcaa meyoɔpi m má nɛ kɛfa n tenɛlɛ, ái nɛ sá rɛ nɔkɛ pɪsoi nɛ picɔ kɛcɔpɛ n tɛsi. ² Tɔkɛ kpísi rɛ Ulɛ́ɛcaa icápinɛ-i karí wɛ, umámá unyɪnɛ uu lomɔ, un wura kɛpale nɛ melapɛ néikɔ́ tanaalɛ, úwɛkɔ́ unyɪnɛ pɔɔ kɔ lomɔ, un ilū kópe tanaalɛ. ³ Nɔn uyɛɛ melapɛ néikɔ́ n tanaalɛ ríyu n waisɛ, ani u maa rɛ: Póokɛ kam a kɛ́yukɔ́tone nkɛ-i tone, ani kɔ úwɛkɔ́ maa rɛ: Póokɛ nyɛrɛ nɛɛ a kam a keteni-i aróna mɛtɛnɛ nté tone, ⁴ ái pitɛŋɛ kɛmʌŋɛ kɛɛ lɛ nɔ wee? Ai nɔ lɛ wale yarɛ pɛpɛɛ yɛ pɪsoi siyu-i rimpaí api kɛlɛnɛ nsímé túhaanɛɛ?

⁵ Pinémárecō lala kecire, ani kutu ricō ani kóm: Uléécaā úu pē ke písoi api ketē nté ní nyáni re píwecōó wēe uu pinfatene nnya pi pansese pimámáa? Pi Uléécaā iyōopi kuú ne pēpēe u ní la m mē kémee lonine. ⁶ Amá nō áni ye pēe úwecōó waise! Ai pimámá pēe íwe nó wai pin kō sitahai nó séleii? ⁷ Ai pēpēe rinyíri sōne tē ke Uléécaā uu nó ní sélei caaii?

⁸ Uléécaā Nsímé ritelé ye maa re: A upócō n la yare kaa ripócúruu ní la. Uléécaā iyōopi isé ye iyē. Asei kecáá, nōn i n tikilē, li nyamlē. ⁹ Amá nōn písoi siyu-i m paílē nōké ne pi n tésí, akópe kani lē wai. Li nyísele re áni lē ke isé ii m ma ritiki. ¹⁰ Usoi un m músu re isé nnéi kuu tíkilē kuu pēe ise rilóó, isé nnéi kuu lē tilóó. ¹¹ Uyēe m maa re: kape iwásá wa, uyē cire yēe kō maa re: kape usoi kpu. Lē nnya pōnsá iwásá n wa, kaa pēe usoi kpu, isé nnéi kaa lē tilóó. ¹² Ani n símisi nōn kō wai yare písoi pēe n nyu re Uléécaā yé keyáa ne uisé pi túhaanene. Isé yēe íi ye usoi akópe m pa ye nyi. ¹³ Ketahai kē ketúhaane kémee, Uléécaā úu úka íwe ténine yēe úu ye ucō íwe n tē. Lē nnya, nkó yēe ye ucō íwe n tē yé nsímé kémee le.

Usoi nfatene ne uliwaiwai kecáá nsmé

¹⁴ Pinémárecō, usoi un n kpárálē te u nfatene mále, ke uliwaiwai áli kō pēe lē nyíselē, nfatene mmē mpuri yé fe nn usoi riyu lōluu? ¹⁵ In te nōunémárecō Kírisi ukó, utisi née unósi unyine ye we, úu ye mpa keyáa kéye yē uké tā née uké li, ¹⁶ nó unyine uu pēe u maa re: A ne ripópó n ηme a ha ilū tā aa kō le, kúu pēe lēle u m párilē u pa, likulaa ye pēe kúye? ¹⁷ Limecō kai nfatene kéméé we. Usoi un n kpárálē

te u nfatene mále ke uliwaiwai áli pɛɛ kɔ lē nyíselē, unfatene ye kpuwaalenle.

¹⁸ Amá in n la, unyine pó né maa re: Pó ne nfatene mále, néen mewai sone má. Né u pɛɛ re: Iye kaa yé nfatene m má, lipówaiwai ali kɔ pɛɛ lē nyíselē!

Né né linéwaiwai ne pó nyíse re ne nfatene mále.

¹⁹ Pɔ ne kefa tenelenle re Ulééca ye ucíreníne le,

née yo? Pɔ alari mále. Aníri pó ne kɔ lē nyule, aa ye n terii ne iwame mepehē. ²⁰ Pó uníri nkó! Aa

la pɔké kɔ te usoi unsá ne uliwaiwai n nyíselē te u

nfatene mále, unfatene n̄n kuláa kúka máa? ²¹ Ke

urósáayaha Apiraham uu uliwaiwai ne n nyíse re u

ne Ulééca kefa tenelenle uu ukɛpipi Isaaki kpisi re

uké ne nyónse nnya ke Ulééca uu u sée re aseí ute.

²² Aa yē te unfatene ne uliwaiwai ye pɛɛ pénélenle lin

ne kesē keisi aí ne nyíse re u meyíkíyiki Ulééca ne

kefa tenelenle? Uliwaiwai ye tíyesele unfatene nn

pelu. ²³ Lele Ulééca Nsímé ritelé kémee n wólaalē

kai lē wa re: Apiraham ye Ulééca ne kefa tenele,

Ulééca uu lē nnya u séi re aseí ute, uu kɔ uu séi re

uusanē. ²⁴ Nɔ yē te usoi liwaiwai kémee ke Ulééca

uu ye ne yē te aseí ute lo, aí unfatene kémee nmanē.

²⁵ Ulééca ye limɛɔ unósi wásánkaí Rahapi

pansesele aseí ute uliwaiwai nnya. U pɛɛ Isirayeli

pikó pitume yásile, uu wai uu pi léni api nwahacee

tiki apí ne tómpɔ. Mewai mē kémee ke Ulééca uu yē

te u aseí ute le. ²⁶ Yare ke ipine yee íi nfáa m má ii n

kpuwaalenle meɔ ke nfatene mee n̄n ye nliwaiwai

ne n nyíse re n wele pɔɔ kɔ kpuwaalē.

3

Tilémpi pitine

¹ Pinémárecō, áni kapε n la nōké nōnnénéí Nléécaasimé n céési. Nō nyule rísane ηmaa re Uléécaa yé kam uu né tó mpí tōo nní ní céési túhaane ai picō tōsu. ² Tō ye ntónéí mmú méwee kulúí kέmee meyá púnnele. In te unyine ye fe úu ye mémaa púnne, liute ye pipele masile. U yé fe uu umεcire tini. ³ Tō ye isā nnō-i ákpaláa wale íí ne kom ii ró m pakarelē in tó tíkile. ⁴ Ani kō áninōi ripaí nké: Mpa ne ampiye mmú, kuyō papε-papε kun a n kpáúlē kun ne n tōsu, ketíkí sínsápi kenyine ke autíkí uu ye n carii un ne ncée a tikiselē. ⁵ Limεcō ke rilémpi arí we. Isoipiηe kelō sínsápi kenyine ye ke, amá ke ye pεe mewai píima wale.

Ani ripaí lē ke kenakpéréé ake ye n fe ake kuhópe píima ηmaasi! ⁶ Tilémpi pō ne kō nna ncō le. Kei ye mewai kópe kelō keε irópiηe kέmee ní we. Nna tenεcírε kέmee-pō kake léeri ken irósoi nnéí kέmee irópiηe silō tōrōo mékperinkpe pórii ne ntókpō keyaa-pō. ⁷ Asei ye nye re iyúiseε ne sinúipi ne liyúikó leε m múηui ne míni kέmee ikpintomé nnéí ke kesoiπipi ake feriyε aké tini. ⁸ Amá usoi úka úu rilémpi feriyε uké tí. Likópe linyine ye ni lee ái kútine ní we. Melō mee ye ní kpυ mee rikεmee yipaalē. ⁹ Tē kari ye ne Urósáa Upíima rinōo sōne ritikise, tē cire kari ye kō ne sisoipipi kuu n wa sin umεcō we anōo wa. ¹⁰ Nnōo nse mmε-i ke rinōo sōne ne anōo kópe aa ye leeme. Pinémárecō, áni kapε ye lē wa. ¹¹ Míni lari-lari ne metule-tule yé fe amε ripiyε nhai nse-i n léentii? ¹² Pinémárecō, kúfikiyee yé fe aku Olifiyee apipi maruu? Fiinyi kuléé yé fe aku afiki maruu? Kényásilō nnihai rín yé kō fe nké míni lari lesemε.

Mewéesesōho mee Uléecaa kémee n léeri

¹³ In te nōkenécōpe unyine ye nyáni re u mewéesesōho ne menyuwe má, uké tíyese píké uisoí sōne ne umewai sōne kémee lē yē. Uliwaiwai liké n nyíselē te uisoí ye niñule un kō mewéesesōho má. ¹⁴ Amá in te nōsinéfa ye túlúle, nōn íkenene nōsinéfa-i wailē, áni kape nkpráni nōmenécíre n táaselē nōn nōmenécíre kiraasente, nōn nsímései yálē. ¹⁵ Mewéesesōho mē áme keyómecaa-pō léeri. Ketē nté mekó ye me. Kuníri kémee kame léeri. ¹⁶ Kei ke kufatoi ne íkenene ii ní we, méwoo méwoo mewai ne mewai kōpe ncōpuri yèè kō kei n wele. ¹⁷ Mewéesesōho mee Uléecaa kémee-pō n léeri mewee foí yee meké n nyamí ne meketō-pō. Lē memáá, áme kō pitele má. Me ye kō mpá yo n wailē ne kemúnjé. Me ye kō tíyesele usoi ne ucō apí kóméine, ame kō ucō meyá íwe téni ame kō mewai sōne wai. Ame pikóólentene ne kecáá kecáá mewai má. ¹⁸ Pēpē rinóō rise n wéési yèè nkíññiñe kémee ne picō nkíññiñe kale. Pikulaa yee re pi ye panselē aseí pite.

4

Usoi un ketē nté likó usane, u Uléecaa ulaarō le

¹ Yei ke pitele ne pinákaanke apí ne nōkenémee leeri, insá nōlinékáipi-káipi lee nó ní lémaalē kémee? ² Nō ye linyine káipile, amá áni ye fe nōké li yē. Ani ye picō likó inípeē n tapaalē yare nōké pi kō, amá áni ye kō líka yē. Nō pitele wailē nōn kō nákaanke, amá káni ye Uléecaa m pise re uké nó he nnya, áni líka má. ³ Mpá nōn kō Uléecaa m pise re uké nó he, káni pipise n nyu nnya, úu ye nó he. Lē kani ní la nōké

ne nólinékáipi-káipi n wa kani ye pise. ⁴ Nó mpí nóó áni nní Uléécaá ηmanε ne kefa n tenelē, áni nyu re usoi un ketē nté likó n la, u Uléécaá ulaarō lee? Nkó yee ketē nté likó ní la ye pansεε Uléécaá ulaarō. ⁵ Nό nyu re nsímé mee Uléécaá Nsímé ritelé kέmee ní we ye méwoo nkó lee? Mmee mmú re: Uléécaá ye nfáa kuu kerómee n wa lalε ne kefa keσε, hái un nkεcáá iláarō wai. ⁶ U kó ípeelée píima ró nyíσεε. N ye maa re: Uléécaá yèè píyuwélaa ncée tápisile uu mpí pεε ye pimεcire rincépise ípeelée nyíσεε. ⁷ Lē nnya, ani nómenécire ricepise ani Uléécaá metene n we, ani tasi ani kuníri ncée tápisi, ku yé wuri ne ketaa-pō aku nó yá. ⁸ Ani ne Uléécaá rikō, uyē uké kō ne nó tikō. Nό pikópεkōó mpí, ani nóanénipe nale aké fū, ani kō nósinéfa hεεε, nó inóó ité ité pikó mpí! ⁹ Ani yē te íwe kέmee kaní we, ani n ténι nōn nkpō tū. Ani nnyei riyá ani ikpōtu ténι, nónnépōōnare nké pansε mpōōcaai. ¹⁰ Ani nómenécire Upiima keyu-i ricepise, u yé pεε nó ritaáσεε.

Ani kape ye picō akópe m palē

¹¹ Pimáρεcō, áni kape nómenécōpεcire kecáá nkópe n símaane. Nkó yee umáρεcō kecáá nkópe n símisi née nkó yee akópe u m palē ye kō isé akópe palenle. In te pō isé kecáá nkópe símisi áa kō pεε i tikilē, pō pεε lē iutúhaane le. ¹² In kō ne Uléécaá mεcire kóló yee isé wa. Uyee yé kō fe uu itúhaane i le. Umεcire yee yé fe uu usoi riyu lōlu née uu tíyεσε usoi uu pōlu. Amá pōō nní picō akópe m palē, pō músu re pōō úye?

Ani kape áyu n wéési

¹³ Nό mpí kamí ne máne, nóó ye nní ní maa re: Tó neni née kóso kuyu nkú-i ha ari kei kuηmē kuse

tone ari kpéense ari kuláa yenu. ¹⁴ Nóo ye áni n nyu ricuruu re íye kai kóso nó weesine. Nò we yare meléné mee n léeme áme ye kò nánai amé ne tenepò api me paapò. ¹⁵ Li ne sá re nòké ye maa re: Upíima un n la, tó nfáa m má ari nní nées licò nní wai. ¹⁶ Pée ke nóo we nòn áyu wéesi nòn nómenécire taáselē. Lipiyuwélaa pē mpuri ápi nyamí. ¹⁷ Usoi un lélee ne n sá re uké n wa n nyu, unsá li n wa, akópe kuu wa.

5

Pimámá piké pimécire tí

¹ Nó pimámá kam nkpéni ne máne: Ani ntóosi mee nó n leerine nnya té ani sipupeila kóni. ² Nólnékó ye fónile, nsepi nn nómenélapre fulu. ³ Ncámé ye núnéwura ne nónnéwóweni lonle. Ncámé mme mee nyíse re nólnéwaiwai ái nyamí, nké pree kò nó li yare nna mee tore. Nò memá kóóile ani curii, in kò ne siyáa tərōō kémee karí we. ⁴ Nò pikéikó pree nósinécare-i n keisi nsone pihéele yele, liitu ii keyómecaa-pò tulu. Nópínékeikó ye ténile, piitu ii Upíima, rínare nnéi ute atu-i lompo. ⁵ Nò nóinésói kémee ketē nké kecáa rínare konle ani kò nómenéla wai, ani le ani mékpò wai yare isee kapí ne keyáa pikópe n sí. ⁶ Nò ye aseí ute akópe pale ani kò u kopu úu ye ne nó náasi.

Isoi niŋe-niŋe piluke ne piyómeyáhaa kecáa nsímé

⁷ Lē nnya pimárecò, ani n kahari nòn ne mé Upíima uké ha ne peme. Ani yē lē ke ulame uu ye n kahari ikóné foí ne itórōō íí ne cuuni, un mé te u yé kam uu ukécare-i iluke sone kpasi. ⁸ Nóké kò limecò n kahari nòn taalē, Upíima mekame ye nnyáã wale.

9 Pimáreco, áni kape ne nómenécopεcιre n ténaane, insá lē Uléecaa yé ne nó túhaane uu akópe nó pa. Utúhaane ye rinonoo-i pinyere masile. 10 Pinémáreco, ani antepuye pεe ne Upíima rinyiri n símisi iwε ne pinniηe m paílē, aní n niηú non ne pimεco íwε kέmεé we. 11 Ani yē te tō ye pεpεe pimεcιre pimúlé n fe maa re pi pínarekomε le. Nō Yōopu kecáá nsímé kónle re u pεe ikari wale, ani kō yenu lē ke Upíima uu kέtō-pō u n ηε. Upíima yèè písoi íwε píima ténle uú ne kefa pi fénne.

12 Pinémáreco, múpá lin íye n we, áni kape ye ne keyómεcaa née ketē née líka mpuri ritá nóké ne wéeri. Non te “εεε”, líké “εεε” non te “eehei”, líké “eehei”. Uléecaa úu kape ne nó n túhaane uké akópe nó m pa nnya.

Pitóikó kecáá piyomεyáhaa

13 Nó unyine ye íwε kέmεε we, née yo? Liute uké keyómε yáási. Nó unyine ye mpónare kέmεε we, née yo? Liute uké ipakare siyomε ne Upíima pakare. 14 Nó unyine ye póólú, née yo? Liute uké Uléecaa icápine piwéése sée api Upíima rinyiri ne mékpō u n níηesi pin ukecáá Uléecaa yáási. 15 Nfatene piyomεyáhaa yé utóikó riyu lo, Upíima uu u paise. In te akópe anyine kuu wa, Upíima uu u sárei. 16 Lē nnya, múpá úye uké ye uakópe uucō yámne, múpá úye uu ye kō uucō kecáá Uléecaa yáási nóké ne m péi nnya. Nkó yeε Uléecaa keyu-i asei n tíkilē piyomεyáhaa yèè pikei píima wale. 17 Elii ye pεe kesoipipi le merócō mmé. Uú ne Uléecaa ténι re ikónε ii kape cuū. Ikónε ii mesei picuū yá aηmē ataani ne iwáre ikpuulū. 18 Uu kō limemáá yáási re

iké cuã, Uléécãã uu ikónε cuunσε, ilukε ii ketē kecáá wai.

¹⁹ Pinémáρεσ, nó úye un aseí ncee n tíye un m pσ, nó unyinε un kei u m pεεpσ, ²⁰ ani n nyu rε nkó yεε ukóπεkóó ncée mmē kuu n tíye uu pσlu kέmεε m pεεpσ, ye usoi nkρ-i lésελε Uléécãã uu kσ lē nnya akóπε meγã tinne.

Nkomine Fal Ritɛlé Sola New Testament

copyright © 2010 UEEB/SIM au Benin

Language: Sola (Miyobe)

Translation by: SIM International

Sola, Nkomine Fal Ritɛlé

This translation, published by the UEEB/SIM au Benin, was published in 2010.

If you are interested in obtaining a printed copy, please contact the SIM, BP 15, Parakou, Benin.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-10-02

1bac8ff9-a7c9-52ef-bb5e-7155dd6ba1a1